

# 神農本草經

清 魏  
孫 吳  
馮 星  
翼 衍  
輯 等  
述

千  
祖  
堂

神農本草經

魏 吳普等述  
清 孫星衍輯  
馮翼

商務印書館

千  
祖  
堂

# 神 農 本 草 經

魏 吳 普 等 述

清 孫 星 衍 孫 馮 翼 輯

---

商 務 印 書 館 出 版

上海河南中路二一一號

〔上海市書刊出版業營業許可證出字第〇二五號〕

新 華 書 店 總 經 售

協 興 成 印 刷 所 印 刷

( 63551 )

---

1955年7月重印(上海第一次印) 印數1—10,000

印張5<sup>6</sup>/<sub>16</sub>

定價¥0.58

千  
一  
百  
五  
十  
五

## 出版說明

神農本草經是中國最古的一部藥物文獻，相傳爲神農所作，實係後人假託。據歷代的考證，可能是東漢末的作品，經過魏吳普的輯述，始成專書。後來比較完全的本草，如唐蘇敬等新修本草、宋唐慎微的經史證類備用本草，和明李時珍的本草綱目，都是以神農本草經爲基礎而加以擴充的。

吳普輯述的本草，據唐經籍志載，尙存六卷，宋時已經散佚，惟歷代各書，多有引據。清嘉慶年間孫星衍根據太平御覽、證類本草，又博采藝文類聚、初學記、後漢書注、事類賦諸書，而太平御覽引據尤多。錄出本經的經文，並將各書的引文，附列每條之後，成爲比較完善的單行本。清顧觀光也輯有神農本草經，收入武陵山人遺著，祇輯錄本經原文和佚文，少有引證。另外，還有清黃奭刊神農本草經，收入漢學堂叢書；清周學海刊神農本草經，收入周氏醫學叢書。這兩種書都是重刻孫氏刊本，酌改個別字句。本書原據孫本排印，曾列入「叢書集成」。我們重印本書的主要目的，是供給讀者以研究中國藥物的古代文獻。讀過本草經，可以了解中國藥物逐步發展擴大的過程。孫本雖還存在着若干脫誤，但是輯錄考證，比較詳備。這次，是利用舊版重印，並經過校勘。本書有些脫誤，另在所附「校刊後記」中說明。

# 神農本草經序

記曰。醫不三世。不服其藥。鄭康成曰。慎物齊也。孔冲遠引舊說云。三世者。一曰黃帝鍼灸。二曰神農本草。三曰素女脈訣。康成周禮注亦曰。五藥草木蟲石穀也。其治合之齊。則存乎神農子儀也。禮記注所謂慎物齊者。猶言治合之齊。指本草諸書而言也。冲遠既引舊說。復疑其非。鄭義過矣。漢書引本草方術。而藝文志闕載。賈公彥引中經簿。有子儀本草經一卷。不言出於神農。至隋經籍志。始載神農本草經三卷。與今分上中下三品者相合。當屬漢以來舊本。隋志又載雷公本草集注四卷。蔡邕本草七卷。今俱不傳。自別錄以後。累有損益升降。隨時條記。或傳合本文。不相別白。據陸元朗經典釋文所引。則經文與名醫所附益者。合併爲一。其來舊矣。孫君伯淵偕其從子。因大觀本草黑白字書。釐正神農本經三卷。又據太平御覽引經云。生山谷生川澤者。定爲本文。其有預章。朱崖。常山。奉高。郡縣名者。定爲後人籩入。釋本草者。以吳普本爲最古。散見於諸書徵引者。綴集之以補大觀本所未備。疏通古義。系以考證。非澹雅之才。沈鬱之思。未易爲此也。古者協陰陽之和。宣羸縮之節。凡夫含聲負氣。以及倒生旁達。蠓飛螻動之倫。胥盡其性。遇物能名。以達於利用。生生之具。儒者宜致思焉。淮南王書曰。地黃主屬骨。而甘草主生肉之藥也。又曰。大戟去水。亭歷愈張。用之不節。乃反爲病。論衡曰。治風用風。治熱用熱。治邊用蜜丹。潛夫論曰。治疾當真人參。反得支羅服。當得麥門冬。反蒸橫麥。已而不識真。合而服之。病以浸劇。斯皆神農之緒言。

惟其瞻涉者博。故引類比方。悉符藥論。後儒或忽爲方技家言。漁獵所及。又是末師。而非往古。甚至經典所載。鳥獸草木。亦輾轉而昧其名。不已愼乎。後漢書華陀傳。吳普從陀學。依準陀療。多所全濟。陀以五禽之戲別傳。又載魏明帝使普爲禽戲。普以其法語諸醫。疑其方術相傳。別有奇文異數。今觀普所釋本草。則神農黃帝岐伯雷公桐君醫和扁鵲。以及後代名醫之說。靡不賅載。則其多所全濟。由於稽考之勤。比驗之密。而非必別有其奇文異數。信乎非讀三世書者。不可服其藥也。世俗所傳黃帝神農扁鵲本草。多爲後人竄易。余願得夫閱覽博物者爲之是正也。因孫君伯仲校定本草。而發其端。至其書考證精審。則讀者宜自得之餘姚邵晉涵序。

# 神農本草經序

儒者不必以醫名。而知醫之理。則莫過於儒者。春秋時。和與緩。神于醫者也。其通周易。辨血蟲之義。醫也。而實儒也。世之言醫者。必首推神農。然使神農非與太乙遊。則其傳不正。非作赭鞭鉤鏹。巡五岳四瀆。則其識不廣。非以土地所生萬千類。驗其能治與否。則其業不神。傳不正。識不廣。業不神。雖曰取玉者。草木禽獸蟲魚米穀之屬。歷試之。親嘗之。亦僅與商賈市販等耳。於醫乎何與。吾故曰神農千古之大儒也。考崇文總目載。食品一卷。五臟論一卷。皆繫之神農。其本久不傳。傳之者神農本草經耳。而亦無專本。唐審元哀輯之。書錄解題謂之大觀本草。讀書志謂之證類本草。厥後繆希雍有疏。盧之頤有乘雅半偈。皆以本經爲之主。然或參以臆說。或益以衍斷。解愈紛。義愈晦。未有考核精審。卓然有所發明者。則證古難證。古而折衷于至是。爲尤難。孫淵如觀察。偕其從子鳳卿。輯神農本草經三卷。于吳普名醫外。益以說文爾雅。廣雅。淮南子。抱樸子。諸書。不列古方。不論脈證。而古聖殷殷治世之意。燦然如列眉。孔子曰。多識于鳥獸草木之名。又曰。致知在格物。則是書也。非徒醫家之書。而實儒家之書也。其遠勝于希雍之頤諸人也。固宜。或以本草之名。始見漢書。平帝紀。樓護傳。幾有疑于本草經者。然神農始嘗百草。始有醫藥。見于三皇紀矣。因三百六十五種。注釋爲七卷。見于陶隱居別錄矣。增一百十四種。廣爲二十卷。唐本草宗之。增一百三十三種。孟昶復加釐定。蜀本草又宗之。至郡縣本屬後人所附益。經但云生山谷生川澤耳。洪範

以康寧爲福。雅頌稱壽考萬年。又何疑于久服輕身延年爲後世方士之說哉。大抵儒者之嗜學如醫然。淵源其脈也。覆審其軫視也。辨邪正。定是非。則溫寒平熱之介也。觀察方聞綴學。以鴻儒名海內。求其著述者。如金膏水碧之珍。鳳卿好博聞。研丹吮墨。日以儒爲事。則上溯之羲皇以前。數千年如一日。非嗜之專且久而能然耶。顧吾獨怪是編中。無所謂治書癖者。安得起神農而一問之。嘉慶四年太族在已。

十月望日宣城張炯撰於瞻園之灌朮莊。



# 校定神農本草經序

神農本草經三卷。所傳白字書。見大觀本草。按嘉祐補注序云。所謂神農本經者。以朱字名醫因神農舊條。而有增補者。以墨字開於朱字。開寶重定序云。舊經三卷。世所流傳。名醫別錄。互爲編纂。至梁貞白先生陶宏景。乃以別錄參其本經。朱墨雜書。時謂明白。據此則宋所傳黑白字書。實陶宏景手書之本。自梁以前。神農黃帝岐伯雷公扁鵲各有成書。魏吳普見之。故其說藥性主治。各家殊異。後人纂爲一書。然猶有旁注。或朱墨字之別。本經之文。以是不亂。舊說本草之名。僅見漢書平帝紀及樓護傳。予按藝文志有神農黃帝食藥七卷。今本譌爲食禁。賈公彥周禮醫師疏。引其文。正作食藥。宋人不考。遂疑本草非七略中書。賈公彥引中經簿。又有子儀本草經一卷。疑亦此也。梁七錄有神農本草三卷。其卷數不同者。古今分合之異。神農之世。書契未作。說者以此疑經。如皇甫謐言。則知四卷成於黃帝。陶宏景云。軒轅已前。文字未傳。藥性所主。當以識識相因。至於桐雷。乃著在於編簡。此書當與素問同類。其言良是。且藝文志農兵五行雜占經方神仙諸家。俱有神農書。大抵述作有本。其傳非妄。是以博物志云。太古書今見存。有神農經。春秋傳注。賈逵以三墳爲三皇之書。神農預其列。史記言。秦始皇不去醫藥卜筮之書。則此經幸與周易並存。顏之推家訓。乃云。本草神農所述。而有豫章朱崖。趙國常山。奉高。真定。臨淄。馮翊等郡縣名。出諸藥物。皆由後人所屬。非本文。陶宏景亦云。所出郡縣。乃後漢時制。疑仲景元化等所記。按群綜注。張衡

賦引本草經。太一禹餘糧。一名石腦。生山谷。是古本無郡縣名。太平御覽引經上云。生山谷。或川澤。下云。生某山某郡。明生山谷本經文也。其下郡縣名。醫所益。今大觀本俱作黑字。或合其文云。某山川谷。某郡川澤。恐傳寫之誤。古本不若此。仲景元化後。有吳普李當之。皆修此經。當之書。世少行用。魏志華陀傳言。普從陀學。隋經籍志稱吳普本草。梁有六卷。嘉祐本草云。普修神農本草。成四百四十一種。唐經籍志尚存六卷。今廣內不復存。惟諸書多見引。據其說藥性寒溫五味。最爲詳悉。是普書宋時已佚。今其文惟見掌禹錫所引。藝文類聚初學記。後漢書注。事類賦諸書。太平御覽引。据尤多。足補大觀所缺。重是別錄前書。因采其文附於本經。亦略備矣。其普所稱有神農說者。卽是本經。大觀或誤作黑字。亦据增其藥物。或數浮于三百六十五種。由後人以意分合。難以定之。其藥名有禹餘糧。王不留行。徐長卿。鬼督郵之屬。不類太古時文。按字書以禹爲蟲。不必夏禹。其餘名號。或係後人所增。或聲音傳述。改古舊稱之致。又經有云。宜酒漬者。或以酒非神農時物。然本草衍義已据素問。首言以妄爲常。以酒爲醬。謂酒自黃帝始。又按文選注引博物志。亦云杜康作酒。王著與杜康絕交書曰。康字仲寧。或云黃帝時人。則俱不得疑經矣。孔子云。述而不作。信而好古。又云。多識於鳥獸草木之名。今儒家拘泥耳目。未能及遠。不覩醫經本草之書。方家循守俗書。不察古本藥性異同之說。又見明李時珍作本草綱目。其名已愚。僅取大觀本。割裂舊文。妄加增駁。迷誤後學。予與家鳳卿集成是書。庶以輔翼完經。啓蒙方伎。略以所知。加之考證。本經云上藥本。上經中藥本。中經下藥本。下經是古以玉石草木等。上中下品。分卷。而序錄別爲一卷。陶序朱書云。本

草經卷上注云。序藥性之源本。論病名之形診。卷中云。玉石草木三品。卷下云。蟲獸果菜米合三品。此名醫所改。今依古爲次。又帝王世紀及陶序稱四卷者。掌禹錫云。按舊本亦作四卷。韓保昇又云。神農本草上中下并序錄合四卷。若此則三四之異。以有序錄則抱朴子養生要略。太平御覽所引神農經。或云問于太乙子。或引太乙子云。皆經所無。或亦在序錄中。後人節去之耳。至其經文。或以痒爲癢。創爲瘡。淡爲痰。注爲蛙。沙爲砂。兔爲菟之類。皆由傳寫之誤。据古訂正。勿嫌驚俗也。其辨析物類。引據諸書本之毛詩爾雅說文方言廣雅諸子雜家。則鳳卿增補之力俱多云。陽湖孫星衍撰。

# 神農本草經卷一

上經

上藥一百二十種。爲君。主養命以應天。無毒。多服。久服。不傷人。欲輕身益氣。不老延壽者。本經

魏 吳普等述

清 孫星衍 孫馮翼 同輯

- |     |     |     |     |     |     |                       |      |    |     |
|-----|-----|-----|-----|-----|-----|-----------------------|------|----|-----|
| 白英  | 遠志  | 車前子 | 女萎  | 乾地黄 | 昌蒲  | 五色石脂                  | 曾青   | 消石 | 丹沙  |
| 白蒿  | 龍膽  | 木香  | 防葵  | 朮   | 鞠華  | 白青                    | 禹餘糧  | 朴消 | 雲母  |
| 赤箭  | 細辛  | 薯蕷  | 芫胡  | 菟絲子 | 人參  | 扁青                    | 太乙餘糧 | 滑石 | 玉泉  |
| 菴闔子 | 石斛  | 薏苡仁 | 麥門冬 | 牛膝  | 天門冬 | <small>右玉石十八種</small> | 白石英  | 石膽 | 石鍾乳 |
| 析萱子 | 巴戟天 | 澤瀉  | 獨活  | 充蔚子 | 甘草  | <small>上品一</small>    | 紫石英  | 空青 | 涅石  |

龍骨、髮髻右一人一種、杜仲、乾漆、柏實、牡桂、姑活、薇銜、杜若、蘭草、丹參、續斷、黃耆、芎藭、薯蕷。

麝香、女貞實、五加皮、伏苓、菌桂、別羈、雲實、沙參、蛇牀子、茜根、漏蘆、肉松容、藤蕪、赤黑青白黃紫芝。

牛黃、木蘭、蔓荊實、榆皮、松脂、屈草、王不留行、白兔藿、地膚子、飛廉、營實、防風、黃連。

熊脂、蕤核、辛夷、酸棗、槐實、淮木右草上品七十二種、升麻、徐長卿、景天、五味子、天名精、蒲黃、絡石、卷柏。

白膠、橘柚右木上品二十九種、桑上寄生、藥木、枸杞、因陳、旋華根、決明子、香蒲、疾藜子、藍實。

阿膠。右獸上品六種。舊同。

丹雄雞。右禽上品二種。舊同。

石蜜。鴈肪。 蜂子。蜜臘。

桑螵蛸。海蛤。 文蛤。

蕒實莖。大棗。 葡萄。

胡麻。麻蕒。 瓜蒂。

冬葵子。芎藭。 瓜子。

丹沙味甘微寒。主身體五藏百病。養精神。安魂魄。益氣明目。殺精魅。邪惡鬼。久服通神明不老。能化為汞。

生山谷。太平御覽引。多有生山谷三字。大觀本。作生符陵山谷。俱作黑字。下皆仿此。

吳普本草曰。丹沙神農甘黃帝苦有毒扁鵲苦李氏大寒。或生武陵。採無時。能化。未成水銀。畏磁石。惡

鹹水。太平御覽。

名醫曰。作末名真朱。光色如雲母。可折者良。生符陵山谷。採無時。

案說文云。丹巴越之赤石也。象采丹井。象丹形。古文作日。亦作彤。沙水散石也。瀕丹沙所化為水銀

也。管子地數篇云。山上有丹沙者。其下有銻金。淮南子地形訓云。赤天七百歲生赤丹。赤丹七百歲生

赤瀕。高誘云。赤丹丹沙也。山海經云。丹粟粟沙。音之緩急也。沙舊作砂。非。汞。即瀕省文。列仙傳云。赤斧

龜甲。右蟲魚上品一種。舊同。

雞頭實。右藥上品一種。舊同。

苦菜。右菜上品五種。舊同。

能作水瀕。鍊丹與消石服之。按金石之藥。古人云久服輕身延年者。當避穀。絕人道。或服數十年乃効耳。今人和肉食服之。遂多相反。轉以成疾。不可疑古書之虛誣。

雲母味甘平。主身皮死肌。中風寒熱。如在車船上。除邪氣。安五藏。益子精。明目。久服輕身延年。一名雲珠。

一名雲華。一名雲英。一名雲液。一名雲沙。一名磷石。生山谷。

名醫曰。生太山。齊廬山。及琅邪。北定山。石閒。二月采。此錄名醫說者。即是仲景所化。亦以補藥書不識也。但後人合之。無從別耳。

案列仙傳云。方回鍊食雲母。抱朴子仙藥篇云。雲母有五種。五色竝具。而多青者。名雲英。宜以春服之。

五色竝具。而多赤者。名雲珠。宜以夏服之。五色竝具。而多白者。名雲液。宜以秋服之。五色竝具。而多黑

者。名雲母。宜以冬服之。但有青黃二色者。名雲沙。宜以季夏服之。晶晶純白。名磷石。可以四時長服之。

也。李善文選注。引異物志。雲母一名雲精。入地萬歲不朽。說文無磷字。玉篇云。磷薄也。雲母之別名。

玉泉味甘平。主五藏百病。柔筋強骨。安魂魄。長肌肉。益氣。久服耐寒暑。御覽引耐字多。作能。古通。不飢渴。不老神仙。

人臨死服五斤。死三年色不變。一名玉杵。御覽引作玉濃。初學記引云。玉杵。服之長生不死。臨死

日服之。其尸畢天地不朽。則此疑當作桃。生山谷。

吳普曰。玉泉一名玉屑。神農岐伯雷公。甘。李氏平。畏冬華。惡青竹。御覽白玉杵如白頭公。同上。事類

玉體如白

案周禮玉府。王齋。則供食玉。鄭云。玉是陽精之純者。食之以禦水氣。鄭司農云。王齋。當食玉屑。抱朴子

仙藥篇云。玉可以烏米酒。及地榆酒。化之爲水。亦可以蔥漿。消之爲粉。亦可餌以爲丸。亦可燒以爲粉。服之一年以上。入水不霑。入火不灼。刃之不傷。百毒不犯也。不可用已成之器。傷人無益。當得璞玉。乃可用也。得于闐國白玉尤善。其次有南陽徐善亭部界中玉。及日南盧容水中玉。亦佳。

石鍾乳味甘温。主欬逆上氣。明目益精。安五藏。通百節。利九竅。下乳汁。御覽引云。一名留公乳。大生

山谷

吳普曰。鍾乳一名虛中。神農辛。桐君黃帝醫和甘。扁鵲甘無毒。御覽引云。李氏。大寒。生山谷。御覽引云。陰處

岸下溜汁成。御覽引作溜。汁所成聚。如乳汁。黃白色。空中相通。二月三月采。陰乾。凡吳普本草。掌禹錫所引者。不復注。惟注其出御覽諸書

名醫曰。一名公乳。一名蘆石。一名夏石。生少室及太山。采無時。案范子計然云。石鍾乳出武都。黃

白者善。凡引計然。多出事文類聚。文選注。御覽。及大觀本草。列仙傳云。印疏。煮石髓而服之。謂之石鍾乳。鍾當爲澶。說文

云。乳汁也。鍾假音字。

涅石。舊作礬石。據郭璞注。山海經。引作涅石。味酸寒。主寒熱洩利。白沃陰蝕。惡創。目痛。堅筋骨齒。鍊餌服之。輕身不老。

增年一名羽硯生山谷

吳普曰。礬石一名羽硯。一名羽澤。神農岐伯酸。扁鵲鹹。雷公酸。無毒。生河西。或隴西。或武都。石門。采無

時。岐伯久服傷人骨。御覽



名醫曰一名羽澤。生河西及隴西武都石門。采無時。

案說文無礬字。玉篇云礬石也。硎礬石也。西山經云女牀之山其陰多涅石。郭璞云卽礬石也。楚人名爲涅石。秦名爲羽涅也。本草經亦名曰涅石也。范子計然云礬石出武都。淮南子倣真訓云以涅染緇。高誘云涅礬石也。舊涅石作礬石。羽涅作羽硎。非。

消石。味苦寒。主五藏積熱。胃張閉。滌去蓄結飲食。推陳致新。除邪氣。鍊之如膏。久服輕身。神農本草經

作黑字·生山谷。

吳普曰消石神農苦扁鵲甘。凡出掌禹錫所引亦見御覽者不審所出

名醫曰一名芒消。生益州及五都隴西西羌。采無時。

案范子計然云硝石出隴道。据名醫一名芒消。又別出芒消條。非北山經云京山其陰有元礪。疑礪卽

消異文。

朴消。味苦寒。主百病。除寒熱邪氣。逐六府積聚。結固留癖。能化七十二種石。鍊餌服之。輕身神仙。生山谷。

吳普曰朴硝石神農岐伯雷公無毒。生益州或山陰入土千歲不變。鍊之不成不可服。御覽

名醫曰一名消石朴。生益州有鹽水之陽。采無時。

案說文云朴木皮也。此蓋消石外裹如玉璞耳。舊作硝俗字。

滑石。味甘寒。主身熱洩瀉。女子乳難。癰閉利小便。蕩胃中積聚寒熱。益精氣。久服輕身耐飢。長年生山谷。